

**Sim' gawhmaeo na' a ci' meuh kop
keunhaw', a vaeé yam kveut gveuh'?**



Cing' a pom	:	Sim' gawhmaeo na' a ci' meuh kop keunhaw', a vaee' yam kveut gveuh'?
Cawo' tem'	:	Huitsa, Solomon
Nang htut	:	Kaeo Lawt, E'li'zabaet'
Leukah' kleum'	:	Akha
Rup	:	Angelo, Lawbeh
Leukah'	:	Plang
Yam pleng'	:	September, 2016

Story title	:	Why owl shout kveut gyeuh
Authour	:	Huitsa, Solomon
Translator	:	Kaeo Lawt, E'li'zabaet'
Original language	:	Akha
Illustration	:	Angelo, Lawbeh
Translated language	:	Plang
Test edition	:	September, 2016


Lawng ka na' ce

Cing' apom

Buh htawm

- | | |
|--|----|
| 1. Sim' gawhmaeo na' a ci' meuh kop
keunhaw', a vaee' yam kveut gveuh'? | 1 |
| 2. Si' maee' a'tep' so' | 7 |
| 3. Cak' maee' kangre' | 12 |

Sim' gawhmaeo na' a ci' meuh kop keunhaw', a vaeé' yam kveut gveuh'?



Leumah', kue' ka a'ta' ti peue. Eun kue' kon' me
seudi' peue.


A kue' ti seunyi, eun tuil' kon' ri na' ce is' ak' peue keuhti. Eun kah ce heul' peut' sim'. Na' ce rot nang hk'i ko', ce sawng'sawng' gvah puri heul'.

Kuiing' ce na' eun ut' ti nya. Eun kuit a, "Sum' yeuh sa'nhaw' vang leng ka kon' ui' na', na' ce cang pun sim' ing' ti ri tu'."

Ec' keuting ce na' eun ing' rot tawt tit' na'. Eun nyu sim' gawhmaeo na' ut' a pang kleum' hku' na'.

Eun vac ak' ri na' seue' taee ka. Eun seuleng ri peueng' a.

Daecti a un' pen sim' na'. Taee eun na' a heul' euc'. Eun keulawn' yah' ri mok'. Yam awn' na, awng' eun na' eun ta ing' rot ri heun.



Ec' na' eun lah', "Awng', nyu mi sim' gawhmaeo ut'
pang kleum' hku' teh' a yeut aw? Peueng' ui' a. A hk'o'
taee ui' na' euc'. A un' pen a. Awng' na', na' eun keue'
ko', eun nyu yawo taee na' pen a kleum' hku' na'."

Peueng' a peunaw' peunheun'. A ta un' pen saec' ti taee. Ec', mi ti' chat nyawk'. Ui' naw, kaw ui' meuh nang peueng' a pen ceu. Na' eun peueng' a, a ta plat heul' hk'a' tawk seubu.



Na' eun peueng' a, eun lah', "Kveut gveuh'.....
kveut gveuh'..... Eun peueng' a. Na' rot pang kleum'
hku' na', a gawm plat."

“Eun gawm peueng’ a, eun lah’, “Kveut gveuh’.....
kveut gveuh’....., co’ca’ eun ri peueng’ a na’, sim’
gawhmaeo na’ a keue’ ri heun.....”



A hot’ ri lah’, “Kveut gveuh’.... kveut gveuh’....” A
lah’ a rot seunyaen’ yawo.


Na' rot hk'a'pul na', ce va puri ing'. Ce hkuin' pun sim' saec' ti peue. Na' ce ing' rot ti peue hawc' ti peue.

Kuiing' na' eun ko' ri kaw pawn' sim' pun ce na'.
Eun mhaing' ce, "Ui' nawk, lak' pun pe' sim' aw?"

Awng' ec' awn' ce top' a maee' kuitnyhap' ri ti peue hawc' ti peue. Ce lah', "Ca' pun ye saec' ti tu'."

Kuiing' ce eun seungeueng'. Eun daeh beh ce na' ti peue hawc' ti peue.

Rot seunyaen', peue na' peue lawn kaw klaee' puri ko', peue tang' sang' ri daeh beh puri.




Si' maee' a'tep' so'

Leumah', kue' a hk'i keuting. Sat' na' ce ut'
hk'a'naee' ka euc'. A kue' ti seunyi, sat' na' ce va puri
yeuh pawe.




Si' na' maee' a'tep' so' na' a ku ing' nang pawe awn' a yeut. Na' peue tawl' cha ri ko', si' na' maee' a'tep' so' na' a klaee' ri hpai'hpai' ing' cha ri nanggal' peue. Peue nyu a hk'o'cuin htuk' hpum' ri.


Si' na' kop cha a ri a suisa na', a un' htuk' hpum' peue. Yam awn' na, a'tep' so' na' a mhol'mhil' ri deun keuteul ka si' na'.




Kopti a'tep' so' na' deun a si' na', si' na' a hkuin'
laee cha ri. Daecti a hkuin' sum cu a ri ka. Yam awn' na,
a'tep' so' na' a ren' maee' meuh a ti ri koe. A gawm
seue' hpum' seue' reng ri cha ri.



Yam a'tep' so' na' buih pun a reng ri na', si' na' a huk' ut' keunam ka na'. A tang' deun yawo leuvang ka a'tep' so' na' rengreng.




Si' na' a lut keuteul dhaep' tam' yam awn' na.
A'tep' so' na' a ta seunak plic. A lawn heul' ko', a lut
tawl'tael' rot seunyaen' yawo.




Cak' maee' kangre'


Kue' a ti pok, cak' na' maee' kangre' na' a ut'
tiduih'. A kue' ti seunyi, a pawng' puri leuvaee na ti
lhawk'. Keute' ka na awn' a chak. A pun ngo' heun'.
Neum leuvaee ka na' a ku pun ngo' heun' yeut. Ka ren'
ka lah' a, "Neum aen', ca' kaw a' laee pun ri ngeup' ri."




Yeuh keutit' na', cak' na' a pun tavun ko' na na'.
Daecti cak' na' a hkuin' ko' a. A hot' cak' seubu na' ce
heul' nang na seubu.



Yam kangre' na' yawng a cak' na' un' ko' a na na'
meuh lamlam ri na', a peulel. A lah', "Kaw ui' mang heul'
ko' a." Hawc' ko', a heul' ko' a. Kangre' na' a saec' un'
tu' keuting, a lawn raws' huik' ri na' ko', sat' seubu na' a
lawn mhawng' seng' ka na', a hkuin' laee hat' ri ing'.




Na' rot yam vuic ngho' ko', cak' na' a ing' hak' a
kvah ngho' na'. Yam awn' na, a htu'hting' puri leukah'
heun' tiduih'. Cak' na' a heul' klawng hk'as na' ing'
taws' a ri ka.




Hk'as na' a lah', "Va pa' keutec hk'uih. A'nhaw' lawn
pe ko', eun na' is' a euc'."

Kangre' na' a un' sahpaw' ku' lah' ka hk'as na'. A
ing' lah' ris beun' ri na' eun mhawng' a.



A lah' beun' ri na' mhawng' lawng aen' ce euc'.

Yam awn' na, beun' ka kangre' na' a lah' a ri me ri na' eun, "Ku' yeuh ko' a, mak' ha'ron ri ka. Yeuh a seun' ku' lah' ui' na' sae. A lawn rot seunyi kaw pa' keutec hk'uih na', na' mi tang' ri hk'uih maee' heun, ui' ri ui' na' ko' mi maee' vang panhtan pa' na'. Ui' lawn nyu hk'uih pa' ko', ui' na' hk'uih heul' ri vang panhtan pa' na'."



Na' tawl' rot seunyi kaw a keutec hk'uih na', kangre'
na' a yeuh a seun' ku' ris a ri puri na'. A pe. A pun ri is'
na na' yawo.